

天
啓
滇
志

漢志卷之二十

藝文志第十

記類

新建重關記

施堯化

我

明令于臺使者巡行郡國諸大利大害所在許一切
便宜釐舉海南潘公按滇之三關歲激濁揚清威惠
覃洽先是有金陵河石閘之役來河流於濤陰奪民
命於波臣斃石安瀾歲免衝齧滇之被大美而日食
其力者惟公之賜業歆明德號為功矣頃相繼持斧
者復奉

簡書計旦莫可抱塹負夫粒食之源間卽吾國之不
固獨吾民也予哉儻意或轉屬之而姑待之其何能
無觀望無避難無徂近費以一時規百世力初從前
未有哉公則念滇介遐服首城巨會勢尤居重馭輕
城故無外郭亦惟相沿以有今日也前需之後後復
視之前異日者警在門庭莫救堂與之安藩籬不固
隨召腹心之梅壘非築舍滋焚民難慮始乎邇者鳳
首旆突至瀾內地前事可鑒利害較然因檄所司其
議地可保障城守者必役毋罷費即不貲則鳩它工
材寧康公帑地扼其要則規度遠近務廣崇墉役不
勞民則耗庸既稟惟然予來以侯道相使上下和悌

百堵皆興計捐金錢三千餘緡乃建成樓凡八楹幹
畚築丹腹塗墍墀垣墉穴窺然井然經始於歲之二
月落成于歲之九月諸邦伯大夫相與經營拮据嘉
頽成績屬書其事余因題成周盛時肅慎貢其楮天
越囊重譯獻雉尤以申畫郊圻慎固封守動色相成
下邳列國楚人代言宮室漬入渾春秋譏其無備公惟
亞中畫謹修備以有茲役也險固既設戎之神氣常
張于以銷亂無形則保邦要道也雄襟星羅守望碁
布居平不啓戎心粹有覲闕者亦可折董而答寔禦
夷長策也質遠輻輳中處市廛蔽扞森嚴歸者雲集
養閭閻之物力寓招徠之遠圖抑又通商惠民便計

也萬里炎荒每憂鞭長不及一隅無益。陸贄安用

垢

國家全盛則老車寄無外大順也。洵一舉而衆善集矣。詭者曰衆心成城人和足恃其亦未睹於設險守國之議乎。故重開禦暴蓋取諸豫交傾持危適際夫蠢鳴豫出而松蓋各分今暴微而維挽從之愚暗成事却暗未萌所從來矣。夫八臣任事惟忠無銳然必往之心耳以安鉅寇因循以因循成額廢墮戶不塞風雨飄搖天下事大半近是必乎渙既為河防而隄之又為棉戶以衛之豐穰登於南畝守備日壯於全漏其所為計安一方者學盡不遺餘力使後之人盡

如公之事不避難治先虞復也行見廢者興朽者起
衆効助勦底定之畧邦華盤石帶礪之基滇民尚亦
永賴哉美宜書之以告來者公諱濬廣東南海人中
萬曆辛丑科進士具按部諸苦猷善蠲業多誦之口
碑紀之郡乘茲不具載是役也中丞沈公徹跡以後
時至謀斷固不同心封疆尤勤顧慮臬思益贊蕭規
曹隨樽俎即寄折衝衣冠不弛於盛共弘遠略景哉
我外藩其經理則右轄施公爾志程督則憲副詹公
守身楊公為棟趙公性粹都閫尹君啓易璽廣南守
顧君建輝昆明令汪君從龍咸興有芳焉法得並書
不佞化既書其事為之詞曰滇壤入未隲煩戎索漢

通鑑綱目始編歷莫唐事南詔中王為敵台永泰畫王
會本士於赫

聖武憲極腰騰西被流沙稽首稱藩永賴金匱梯航
萬里搏心稱志環向

天至時平敵玩累茅落蔭怒煙雷車飛梁懸爾訂護
制勝為兩先否公表周咨之綱之紀懲彼往茲錄逸
押咒未雨敵奔如臂運指乃度邦閑乃謀報始重阻
雲連麗譙聲起後康於官戎不効使根成內奠焚燹
外徙惟屏惟翰我疆我理國事視家碩敬就理中並
嗣來爰共蒞止曰惟都哉善何必已矧滇羣夷定福
處此備豫無虞棟隆爰祀匪公擔荷大役孰舉老成

獻念師師濟濟屏幷南交永億千紀

新築鵬衝司城記

侯璉

仰惟

皇上緒承

列聖嗣登寶位四夷八荒莫不梯山航海稽顙稱臣
述職納貢書曰萬邦黎獻共惟帝臣易曰聖人作而
萬物覩正茲將也越五載麓川酋長思任遵邊守綏
馭遂肆倔強戕賁太丞侵軼疆場公爛祇雲南
臣以聞

上乃勅廷臣曰夷狄禽獸不可以中國道理處自古
但羈縻而已後申命守臣謹封域戒斥堠嚴備守需

招徠懷賊去逆效順轉禍為福所守彼土庶全草木
命實

皇上好生之德同天地之涵育不忍加兵蠻夷者誠
以兵凶戰危一塵境壞脇從周旋殃及無辜也蠢茲
寇孽任負固恃險執迷頑梗愈作詭梁螳聚蜂屯乃捕
我南甸乃突我平崖乃犯我騰衝叛戩累弗虔遁守帥
璚以事聞

上軫念邊民悉吾赤子遣賊荼毒匪加兵強之得以
徭徠犷悍不可附也不得已出師命兵部尚書王驥
行便宜事總督戎務定西伯蔣貴充總兵簡偏裨統
虎賁羽林驍騎各鎮士馬十有五萬徂征之分路竝

其窮播賊衆致奇制機鼓譟齊鳴士衆勇氣左右夾
攻斬殺賊孽噍類無遺賊既敗歟惟予思機狼狙夜
潛遁居孟春時正統辛酉十有二月十三日也凱旋
獻捷

朝廷嘉之凡同征將士陞賚有差迨壬戌七月
上以麓賊平論與西顧矣但雲南遐荒去京萬里百
蠻雜處叛服不常自肯綮有武臣鎮臨特乞文臣以
佐理乃

勅兵部郎侍郎侯璉刑部右侍郎楊寧選更叅贊戎
務用靖邊夷時兵部尚書清遠伯王公復總軍旅仍
行便宜事節制雲南諸司偕前總兵都督沐昂同璉

海雲南方面官僉謂騰衝去鎮二十有二程山川限
隔險阨懸絕莫臻環處甲於西陲定諸夷出入要害
地舊有卡片兵防禦力不支為賊竊襲今復其地苟
非鎮靜昌克攝遠夷固疆圉垂永久哉乃請於

上可其奏改立騰衝軍民指揮使司調指指揮李昇
授守以兵乙丑十月秋官楊公代繼叅戎務奉

勅猶總兵鎮守官黔國公沐斌等帥雲南將士萬五
千城築故址乃敷度地理民教士卒築方城周匝
七里三水匪淺匪博容民居也前昂後偃因形勝也
可規可萬便守戍也丙寅十月繼再奉

勅統兵五千用砌城垣然兵燹草創輒料艱難乃與

都指揮李昇教將士鑿石城西山崖七里去墜盈尺
得石堅美用工竄成就多殆非人力強作實天道保
民默造耳第匠作未備工促三月窰券四門臺高一
丈五尺洞闊丈四尺高丈六尺深丈七尺廣十二丈與
城稱越明年丁卯總兵官黔國公沐斌鎮守左監丞
都事秦將都督僉事方瑛偕繼奉

勅統兵萬五千駐操騰衝振啟威武復調沐邦緬甸
于崖隴川芒市灣甸鎮康茂兵涉金沙江進孟養令
伐賊子時率領士卒雲南都司指揮李昇李友李福
楊濟司韶給足軍局布政司左布政貢銓按察司副
使鄭顯僉事張清因遇暇日復督將士修城垣鑿石

城昀屯田斯役也總帥諸公綜其事方面諸官董其
務將士工師力其役值天日大霽瘴脈頓弭人心協
和樂趨事工用覺勸勸建城門樓四座高四丈有奇
廣六丈四尺重簷三滴三間轉五亘三十八楹劇用
材木梗楠豫章悉域此三十里皆蠡直精微城墉四
面連雉高二丈五尺復劄西山右石包城經營是歲
甲辰月巳酉日落成戊辰年甲寅月甲午日照而樓
櫓登麗懷蠻狄之觀瞻城池高深保軍民之無虞誠
足壯封疆士旅之氣劇戾醜窺覘之心矣既而賊子
就擒邊氛靖息民庶安堵班師振旅留兵戍守將告
厥功咸謂予宜述大業始末命工鏤石以紀歲月云

新建潯江府城記

陳善

司馬相如曰非常之原黎民懼焉及臻厥成天下晏如也予觀潯江之役益有驗於斯言云往隆慶四年之夏內江劉公按蒞此邦登臺眺望無城郭太守徐侯建曰此方接壤賊藪環以諸夷類年杪掠民鮮要枕四境內桀黠相聞設險守邦誠不可緩侍御公隨之侯乃以城事請於是都御史江陵陳公同侍御史檄三省諸大夫會議維時左使鄒公璉與衆謀曰往者安矣首禍遂殷嵩明長驅無前震懼省會即州有壑城民當固守矣近如齊府呂公既城武定後有鳳賊之變城守頗堅賊勢遂靡聞其時省城皇皇危

在曰慕思思禦防太宇議良建乃命廣西守戴君
時騰廣地諸費也亦有命其台而臺踞於

輿昔於廣地如觀史蹟

制曰可九月臨元兵憲會公一經往視廣使謂徐侯
曰建邦啓土將以安集元元形勢本全夫周啟賴
盡懷圖之翌日請視壽鳳山曾公陟嶽顧盼凝佇久
之謂徐侯曰左右何山也曰東為金蓮西為玉筍曰
靈秀鍾於此矣蓋是山馳奔雲蟲亘數千百里注首
於此而山環列中漚大江斯誠天設矣有所待徐侯
乃白侍御公曰人相為上形勝次之天功肇建宜屈
犀策予承公志乃約泰知莫公如吾羅公元禎分巡

食害塞公東粵躬往視臨庶民予來十人荷輝欣欣
起事聲震原野諸大夫喜相賀曰舉大事者應順人
心此可以復侍御公矣先是兩院具疏以動搖課羨
除馬請戶曹慰勵解頤乃請

旨覆勘曹公與侍御許公議曰戶曹所難者頤解耳
今解頤如故城工業興亦當事者又安西南天討也
七月侍御公書臨之細民譁張言人人殊必參徐公
中府塞公來粵主待正議屹然不動侍御公至上新
城據府堂諭衆曰辨物者方孰踰於此乃大書保釐
堂三字懸於府治餘是人心大定毋敢言不便矣乃
使曲請府同知求錫金各授牒接籍稅厘先是言不

優補從知縣水侯乃於八月之吉肇建土城至十二
里終臨慈谿治四隅庫縣公署儒學院道行臺次第
落成兩居相望百端俱作益舉大功勳大衆未有
此其速者也侯又於西浦龍泉源而浩夫西民恒苦
漂蕩東民不霑餘澤乃導民開河引泉至城西北隅
會東北龍女泉緣東南入於海自此西民無水患東
民資灌溉之利計用民三千八百三日畢工惠利溥
矣府居僻壤商賈不通侯於西城南門開小河通海
平商賈自臨安來者舟行由江川海門橋直抵南門
由是集商輒聚貨財民多稱便侯視國如家忠誠任
事苟可利民不遺餘力民竭力從事亦如子弟之於

父母故凡有興作咸不謀而自來也豈待發微期會
我雖然侯為民厚矣然非兩臺主謀於上則謀不成
謀不成則事不就乃今萬年之功成於一舉安宅之
固人荷平安長老孫不腐不崩所以貽之者非淺
鮮矣故曰必有非常之人然後能建非常之功其中
並待御公之謂乎記云有功德於民加地進律又云
法施於民則祀之徐侯施於民者如此雖百世紀可
也

新建鶴慶府城記

李元陽

滇之為省在天下之西南陸鶴慶府又在滇之西陸
視他郡尤為要害而獨未之城嘉靖甲辰蜀遂寧周

公集以刑部郎來知南事撫顧山外喟然嘆曰郎而
不城變誰與守會分巡中江王公按部至此聞而壯
之遂相與揣其高卑物其土方爰卜爰度神人既協
事期有成因而請於巡撫鍾祥劉公巡按新城宋公
會曰宜城哉因馳奏

上聞制許之於是城役乃興至歲丁未而城成城週
五里五分幾千丈高二丈二尺基廣三丈跌石高五
尺磚之駢比而厚者為層六積累而高者層四十有
五土石內附倚以為固城四門南有郭北守禦舊城
而門之若重閭焉門各為樓四角如之周廬二十有
五敵臺十堞廣三丈深丈五尺穴城跌以板溝洫為

石孔斗三經紀周密巨細畢張計其城也則石礎銀
鯀長堞馮馮西南樓西藩垣用興居者德在作者頌
能周公之初作城基也掘池深五尺闊三丈許程以
堅栗障蟻穴也沉以巨石防潦洊也于時城跡未盈
尺而山石為室公帑未啓鑰而松檟已罄此則公之
求諸天懷諸已而不以售之人者也然猶論說人殊
估費中隱于時則有巡撫遷居應公巡按蔚州却公
慈谿劉公主張衆論臨窾不浮伸縮補乏獎勸激頽
由是費乃用裕徒備勃然矣至如躬履其地結視其
事定章程度規制酌材用書庫鑪各殫智慮克咸展
功則分守閭中沈公常熟朱公南昌劉公兵憲進賢

曾公宜賓卞公分巡無錫安公其人也從山米甌
礪數服糧之直以金數之至三萬八千有奇用人之
力以千數之竟有餘萬凡所以為守城之具無弗給
焉夫見小者褻夫自私者鮮功是故勞惡其不已出
也不必歸己貨惡其棄於地也不必藏於西聖王之
有府庫以為民備也建侯置守以為民墜也合城以
城民大政也邊防先務也諸公忘已之勞而歸功於
即守

國家不愛其費而貽民以安其子為政之康泰與其
所先後皆得之矣在昔有周南神城乎朔方則致王
命以贊其決神山甫城于東者則有吉甫以推其賢

是故下有赫赫之名，未有不本於上之能容。上有明
明之功，未有不由於下之克任。愚也，世著鄙人，幸茲
城予，已有桑梓之庇，竊有感于諸公協恭之美，信無
負於

明命。思有述以告後來會觀之士。后夫若耆老不遠
數百里至吾廬，取文將刻之城隅，以識歲月，遂忘其
蕪陋。作鵲慶府城記諸有勛於城者，載姓氏于碑陰。

廣西府築城記

陳時範

滇是郡為東南陸要害，其地東隣永，下泐夷，西近毫，
山巢寇，南連潞，南地接陸涼，舊越州土舍夷羅四面
雜處，而沙夷猶稱獷悍，為夷邦生劄二村，掌于十

官戎

朝成祗間更置流官知府賀君勳始築土城久已圯
廢嗣因仍鮮經遠懷更張于保護長策未緣有以
請也隆慶五年江右戴君時雍來臨茲土興革祀張
與氏同歆于是郡之晉紳設國賓趙廷相輩得相率
以築城告且願輸助戴乎依然曰吾責也君猶不受
費吾敢受乃毅然以請于撫院陳公廵院劉公奎
曰且上其議於

朝制可之許部慮祗顏貞有妨罷格不行會宜興曹
公安肅許公相代至戴君復請金謂部攝邊隅當阨
要所以限封守捍大患孰先務有急於斯乃謀于藩

臬諸司期迄有成時則錢瑭陳公實掌藩政喜設險
之初興民情之歆有遂也乃考藩帑程課金以濟量
其工值之需予亦自滇臬繼至復預事至贊襄焉歲
辛未夏城役興諸營表而勢鳩工庀材屬課章程載
守寔殫心力衆是用輯和以樂於赴事壬申冬十月
城成週七百二十四丈有奇外磚駢北內附土石高
可一丈八尺基廣丈五尺闊四門以司啓閉擬望樓
以崇觀瞻時則蘭谷鄒公以兵部亞卿攝行撫事方
虞滇徼之遊巡崇德遠畧用過黃方聞戴守之繕斯
城也心賞之復申今之巡按許公亦因嘉其形勝察
於鞏固足以壯封疆士旅之氣杜岵荒以儼之窺也

是役也未甃礪鍛糧之值始請金七千四百有奇
已亦僅費三千可語于事半功倍自昔因循久隳之
後一旦振舉而一歲成之亦偉矣先是隆慶丁卯高
明州請城予亦嘉贊可意去行夷阿納音不遠也廣
郡孤危懸警視行納何如春秋城築必書至於王公
守國獨致意於習坎陰固有所必設也茲城與激江
並建高明激江猶有編民得藉衆力廣西賦供夷寨
民用土著即乏僚佐屬鮮州縣雖督版鍾猶將朝夕
親勤之甚哉其難也徵羣公執議之決擢任之信戴
守亦爲就厥緒乎近復撫寨于徵括夷糧增哨守聯
屬牛叢而責禦戍于土部千百夫之長以威信其昔

日之不率者此皆城以外事與城以內胥為夾持之
意予亦如其議為請於兩臺得可顧斯城者許極廣
之龜沙樹一方之雄猷其尚有講於斯處幾為毋恃
中城以施於長城矣

新建尋甸府城記

張志淳

嘉靖十二年春尋甸府城成雲南巡撫都御史顧公
巡按御史楊公俞布政使胡君范君具幣以按察僉
事劉君狀遣使走千里授志淳俾記諸石按茲城在
舊治之右踰一澗內築以土外甃以甌漸殺與土準
以丈計周五百三十有奇又計崇一十有九厚二十
有五下礪石厚五之一開四門南曰朝宗北曰拱辰

東曰啓明西曰寶成凡並門及驛驛馬石墩臺皆甃
令甃如城凡甃皆先拱土乃採木木堅乃納石石實
乃濡灰以沃俾灰不陷東南三門猶地卑而沮池工
力數倍示西北又開三隧以泄水而注之池池即澗
水爲之也城內通澗四縱一橫三皆連城下前一衛
置府所與學中因舊澗以通于西北二門後一衛列
行臺與守巡之署而倉庫城隍廟皆在焉軍士之屋
三百四十楹後雲南前衛指揮四人千戶五人百戶
十人土軍二百四十人糧官軍舍餘共四千四十有
奇官皆授地宅軍皆授室屋于城內屯田之軍受田
如制民閒田以舊治地易之不足則益以官田取不

足則饋之。以官價保各有居業。府舊在雲南東北幾
二百里外。接四川內訛武定。需蓋諸夷。宋無紀元仁
德遺址在今城之東五里。其遷於舊治。莫考。歷時頗
為美。歸厚二縣我。

朝洪武中廢縣。改今名。以安仁世襲知府。統之。成化
丙申。革蓋。癸卯。築土為垣。嘉靖丁亥。安仁裔孫銓。作
龍。入之。遂制。嵩明。澄。楊林。銀。水。密。膊。馬。龍。構。武。定。鳳
朝。定。直。通。雲。南。藝。西。門。市。舍。雲。南。大。震。戊。子。三。月。啟
兵。四。集。始。殲。之。時。按。察。使。徐。君。集。議。謂。築。城。復。縣。立
千。戶。所。以。安。守。之。總。兵。黔。國。沐。公。洎。前。巡。撫。藩。臬。皆
是。之。乃。遣。按。察。副。使。歐。陽。君。往。相。度。歸。言。舊。治。隘。不

可城亂後民多死徙不可縣惟築城置於舊治之
左何見村為宜遂以疏文報可是戊子十月也將事
事尋民胥怨謂村地苦硠陜又鑿井不泉害將以生
乃羣訴於巡撫都御史胡公公云此大事也可拂民
手遂命覆議而民情牢不可破公即以憂歸自是寢
不復議者幾年矣辛卯五月巡撫都御史顧公至
聞之亟命按察僉事劉公從尋父兄子弟往覓之皆
實再拜示所擇今地皆擇又別遣叅議朱公往覘之
蓋符遂以歸報則又有待異說以推之者公乃率提
學僉事王君都指揮樊泰及六衛指揮往則尋父兄
子弟已數百人迎狀道左曰今主戎矣乃陝山降原

遍歷舊地與何見村吳新所議地皆曰惟茲可以永
生生矣遂以改地之狀及增漢軍監土軍設吏目構
官守泊前疏所遺者悉以

開行徵軍民會役命左布政使高君慮財用計徒庸
輸餉糧用僉事劉君議令千戶所於城北坎位則碑
知府劉秉仁率僚屬告始事於城隍用牛一羊一豕
一二月後者至則以指揮王章同知府領提調陳仲
武領東門胡紹領南門周瑞領西門張略領北門竊
綱領中城皆佐以千百戶二人給以庫餼嚴以勸戒
申以賞罰示以哀次乃斬木於海尾司沙戍石於石
灣來冲陶土而填瑕石而灰峙楨幹鳩編管架廬舍

引渠以閘漕河以運於是築之衝者壘者踵者抹者
春者甃之拱者搯者鑿者汙者納石實者濡灰而沃
者縷之斧者什者執導引而審面曲直者治者墁者
點者墾者取材之肩者負者舁者駟牛而車曳者摩
而浮舟而挽者執雜役而奔走者持旌旆而巡視者
閭不力而主地之官復聯以什伍之法均以老穉之
宜定以作息之節是故六月土城成九月四門立時
久旱饑而始有年役者請獲稻米還適御史楊公至
片今趨之民趨歸如沅城樓並作公私咸備前所命
都指揮金章馮立各率所統畢至越歷已二月甃城
訖于是故金湯言言兵衛嚴嚴物類堪堪民心杆杆

歸女與僕老禘訢訢夷狄雖非玉帛修修大山長谷
離邊之氓趨觀仰嘆者粥粥而馮馮矣計役員二千
人歷一年又一月共入八十萬米二萬二千石羨餘
四十兩矣茲惟顧公始之中之終之亦惟左布政使
范君據察使蔣君叅政祀君謝君副使初君輩先後
殫心協力故財年之間而地為政觀人為更新夷為
警服治為興起即為增重而氣化人事交孚以升也
狀之所具如此志淳策撮其槩以書而於其叙功績
之詳謀猷之遠經畫之細悅以使民忠以為
國之懿尚帝克盡也獨念成化百有七志淳試塲屋策
問尋句之亂莫可誰何

朝廷創設巡撫總督而隆其任亂一始於今未
五十年而產禍滋大顧如此無亦是務乎夫恃斯城
者恃恩斯侯者恃遠斯土者望夷斯民者龜鈞非所
以久之也鑒往而懼承今而惕心爲民之心而不渝
於此則諸公所同願尋民所同仰而天人所同歸
矣高朗誦歌令聞長世奚越光熙於茲石

新建武定城治記

陳善

我

聖祖混一區宇宇在四夷蓋至洪武十五年克平雲
南而西南夷始通通笑于時土酋內附授土官職事
使統其衆暨修其教不易其俗古聖王攬理天下之

道固如此按地理志南詔三十七部武定其一也宋
淳熙間段氏舉阿而者爲羅武部長元三傳爲矣格
元世祖時爲北部土官總管至元七年改武定路至
我

朝阿而八代孫弄積妻周勝倡義歸附授武定軍民
府土知府嗟乎周勝未婦耳能知順逆識真主使子
孫世承忠順

朝廷方念舊勲錄及苗裔何忍遽絕戚之耶正德間
弄積三世孫阿英改鳳姓潛蓄異謀嘉靖七年英子
朝文叛附安賊英媳瞿氏守土盡職嘉靖四十年小
人構謀劫印歸男婦索林自坎始多事矣瞿氏嗣育

逆祖冀圖襲官屢撫屢叛罪惡盈貫巡撫無尚書新
昌呂公決議彰賊未幾逆祖授首隆慶元年呂公乃
弒于

朝請設流官以治之擇鳳氏族人思克者世授府經歷以承其祀

制曰可隆慶三年思克父鳳曆糾合諸夷謀危城社
知府劉君宗憲同知鄧君世彦奉撫臺江陵陳公憲
計一舉撲滅說者謂三人定亂之略可當數萬甲兵
信哉先是府治敬斜四面受制隆慶二年寒陳公因
劉君請躬往相度嘆曰茲有會之藩籬滇南右臂也
遷城移府乃可長久題奉

欽依擇地於獅山之麓熙工費鉅甚左使鄔公璉曰
設險守邦不宜惜費議定以三年五月初十日起工
訖于四年十二月為石城者七百九十丈八尺有奇
為城樓者四為鋪者十為水碓者七府治儒學院道
行臺和曲州驛城隍廟山川社稷屬壇次第落成旌
此甲於列郡鄔君勤居為民服勞始終勤事蓋繼之
以千萬年之計矣五年四月分守叅知羅公元禎分
巡僉憲石公盤謂茲肇建宜有紀述以昭來祀徃四
年之夏劉君屢言人心玩愒城工難完外患可虞民
鮮同志左使鄔公覺頗向予曰幸徃工以樹丕績公
日坐經濟堂其夢寐嘗在獅山左右也予成公志六

月攝洱海道事以行鄔公乃擇屬為經歷張效同知
唐致和庫登門沈思予今分地併工各願自效諸當
建白者同鄔公連於撫臺陳公按院內江劉公皆主
報可乃飛檄東西徵召四集擺巡道朱公奎又協贊
之至歲終大工告完矣予修員於此久聞之入言而
通諭之曰尚書呂公都憲陳公左轄鄔公太守劉君
同知鄔君武定之民尸而祝之可也何賢乎教公曰
呂公數定禍亂陳公先事發謀鄔公又安疆宇劉君
純心定保鄔君盡悴安集天城池完固家室載寧皆
績教君子之力此天福祐武民使之安利於無疆矣
隆慶四年冬撫臺宜興曹公今年四月御史安肅許

公先後至滇軫念新郡凡可以撫息民疾者如鄧居
誥八月許公接詔武定開布腹心懷柔携戴夷酋感
奮至有願獻田土以贍軍者禦所軍士皆分田治房
咸有固志此行真與金城湯池爭烈矣後官此土者
知武定為新造之邑其民係瘡痍之民六七君子先
後締造之艱則當兢兢業業日慎一日始可以繼前
人之耿光為吾民者當思

朝廷設置官師肇建城府要以奠安夷民則當忠順
不二永為

聖世之良民子孫尚亦有利哉是役也費布政司公
帑一萬二千有奇文武官屬有勞得書者皆列之碑

陰

遷建巡撫都察院記

嚴清

雲南僻在裔去去王所遠甚稱璽之寄唯在重臣

高皇帝以世勲居守又安地方意深矣

睿皇帝

景皇帝時有巡撫暨設贊理軍務然不常置

純皇帝用閣學淳安周公格議各省設巡撫始為常

于時三原王公恕首膺

簡命開府于滇

肅皇帝中年欲興交南問罪之師雲南巡撫始兼贊

理軍務于時首曷

賢者崇陽溪公文盜已後歷二十四年十二公
朝廷假借事權為西南之慮遠矣歲庚申因事報罷
至新昌呂公克洵

奏優之又

請展制蜀之南鄙今陳公又

請興制蜀之西鄙于是幅員益廣事權益重稱軍門
矣顧府第狹湫弗稱三省諸大夫固請易之公乃相
度舊鎮守太監府吉第非南嚮乃諭于有衆移而闢
之地不足易諸祇廬者若干間為金若干兩舊材之
不足用者藩司上議費帑金二百三十七兩有奇侍
御悅南劉公又益以三百八十六兩復給犒賞匠役

漢書大夫爲金一百兩侍御洛浦田公按雲南府助
織造坊縣金八十兩侍御見高劉公助給工費爲金
五十兩總兵雲樓沐公助給犒賞爲金四十兩有
奇三司各道犒賞差役爲金共三百五十兩有奇
委官司出入者雲南亦通判白采檢較其去元補行
領銀買辦者曹邦相等夫匠受賞者則楊應學等也
肇造於隆慶丁卯正月落成於戊辰十月餘是厚棟
大梁夷庑高門赫然偉麗稱大觀矣公諏吉即宅坐
于新堂愜年華壽旌旗旗旌陳列兩序文武偏裨師
儒卒士進而賀曰非是院之成不足以格物非公矩
矱不足以容衆宜刊之金石以示後祀公曰唯唯會

予遠官過家展省得造堂下舉手為賀公曰是役也
吾距細彈厥心焉一日款予于光化樓凭軒四顧見
滄巖前陟山枕後左奎右碧如翔如馳誠一區梯觀
矣予曰天哉壯乎斯軍府之要樞江陵之偉績也公
遜謝託予為記翌日郡守董君原道復致公命予懷
簡書之畏慙就道踰歲董君移書促之者再因憶
公與予葦沿易為稱上棟下宇取諸大壯大者壯也
先王宮室之度貴賤有等卑不可陵高不可替凡以
定民志也矧雲南介萬里絕嶠開府擎一方其瞻居
則院者予以控制三藩撫柔萬衆可安于固陋而以
蓬廬相視哉然則公以舉春

聖制脩新勅昭朕者之當快非徒耀棧以示侈也
夫大德四隅之邦也建之則為夫夫有中陰之義吾
真荷公制平逆黨人心戰寧唯公克成厥終疆域
底定然諸夷環主豈無懷奸觀景自干大討者乎若
然則陰之在夷前者所當決也公正已裕物氣裁吃
然諸司百職精白承德然豈無繼設敗度速疾厥躬
者乎若然則陰之在庶官者所當決也聞比年戕叛
獲醜獻功

魏問諸夷之膽落矣今來奉約束者蒲伏兩階目眩
心悸謂先聲有奪人之心非欺所以駭夷者抑何決
也百職事奉章上謁者其在君子則升降上下禮儀

乎度雖有回和小人亦常向從教公又以明德照臨
之辟是太明當天羣陰屏息也所以取官邪者抑何
決然大衆大壯之時履大壯之位建大壯之居而行
大壯之道邪剛以動之君子不能也公其深於體易
者耶公爲太賓江陵人與予同舉進士又同出宗伯
高安吳公山門下斯記事之委不能辭乃若公之鴻
猷鯁節種種注措風行震疊動乎遐邇異日紀真載
者自有錄予何敢倭云

都察院續題名記

郭斗

雲南都察院題名者題巡撫雲南都御史諸公名也
記石而不朽也更而刻石者今巡撫火司馬長安蘭

武都公以勳公而居四十公其在成化以前
間亦趨球捷復報罷未嘗專設則始於三原王
公錯院則自洪武見吾陳公始也碑各以官歷次第
之使可考見後庶其左族後之未茲土者題焉夫天
下大職在純綱紀綱重寄在風憲都御史則風憲重
職

朝廷大臣也漢所謂御史中丞即是官也制所從來
遠矣

高皇帝有天下斟酌古今創制置吏設吏部統攝百
官都察院察百官賢否而黜陟之都御史獨持風裁
權其冢宰並重焉夫進退百官而佐

天子出令官至郡御史亦宗矣乃若

聖天子高拱於

穆清之上慮其不能遍及天下始以省方觀民待之
風憲大臣名曰巡撫是巡撫者受

九重委托係一方安危其職有未易盡者則外之都
御史不亦重乎蓋在內乃察吏治行考察之法事有
常典可守而行至於外而巡撫則文武百僚之賢不
肖賴以辨別軍民萬姓之休戚賴以體察遐邇諸民
之向背賴以聯屬地方利可興害可除賢才可舉用
奸宄可讞服錢穀之盈虧饑饉災變之可恤可得事
若是其繁政若是其大也而皆其職務焉雲南遠在

萬里諸夷環處而質理軍務厥任匪輕矣雖責之總
鎮悉收欽恤張軍机之緩急巡撫實維掌握事無
纖巨動關戎馬毫釐而失千里遂謬鮮有不慎事者
矣雲南巡撫不危重乎

聖明知其然是以一遇缺員輒難其任凡所簡命皆
遴選而昇者以吾滇雖遠定重地耳姑碑石中所載
諸公自耳目所親記屈指乃海內名流或以侍郎至
或以尚書至無非重是任也卻察院舊署舊有題名
碑石乃見吾陳公改建新院既而移刻今署中矣鄒
公名御史也嘗直諫有聲於時後以右僉院都御史
者少司馬來撫吾滇今

上投之節錢開府西南至則撥文書文急先舉大百
度維新以題名所紀多舛紊深慨之蓋先是公為大
作時舊奉

欽命至海鹽江陵黃潭陳公過諸金而章立啓里五
公固後陳公而至者及閱碑石列名翻在陳公之前
其舛紊如缺既考至正之公嘆曰此志之不可已也
遂欲後修新志乃謀諸侍御解州兼山侯公檄藩司
舉作適葉榆中縣李公以事至始以修志托之使一
省政務咸藉考訂他所舉修不期是可知乎噫公之
用心至矣夫峽四十七公者或相宜而久或未久而
遷或壯復再至茲歷樞要登台輔位有升沉名有顯

瞻其八雖往題石尚存皆可一覽而知也然題名於
在大堂與學堂後觀美已哉將使顧名思義脩觀者
而垂鑒戒亦維世之微意也據余所記姓名里第燦
然呈列既詳且盡雖行跡未詳而往轍孔著寧無文
章足以飭治政事足以擇名行誼足以敦化而主言
立功立德耿耿不磨可垂永久者乎抑豈無與是三
者稍異而或相悖焉者乎他日睹茲石者安知不撫
而擇之以析其人品之不同若是則是非得矣炯然
在目昔余哀之義焉因往可以系來後之視今亦猶
余之視昔耳公論在人心百世之下必有不可昧者
則石雖不能盡書然已得其槩矣茲舉也顧獨可緩

乎哉若乃視宦遊如傳舍等歲月若流塵職業未舉
計日待遷漫無樹立上負吾

君下負吾民然地方瘁疴疾痛漠然不加之念即臘
華要驟極通顯將不外榮而內作乎世道亦何預也
茲殆非我公汲汲題刻之意亦非斗所敢望于後也
公曰良哉予之言心敢不蚤夜以期無愧茲石後之
君子尚相與勗之

巡按御史題名記

謝朝宣

自司馬公記諫院題石寓規戒意後世因之滇南巡
按御史舊未嘗題名茲於志得鄭進善段信觀於鄉
賢祠得未曉謹三人既前輩名實之湮檢於故牘維

未能詳盡。尚得六十人用紀於石。嗟夫。士君子凡用
於世。立言行事。固所當謹。風憲綱紀。攸係不謹於已。
何以律人。謹之云何。而惟鬼夫指名而議之也。然其
身後事。取辰在目前。善則榮懷。否則既辱。且危。善惡
之幾。榮辱隨之。尤切于身所當謹者。固衆人之見也。
愚以為好惡之心。原于天。之稟賦勸懲之典。隨乎人
之善惡。以我所當自責。若無與乎我者。其于身之榮
辱。名之得失。奚暇計哉。然必已身克謹。而後可以言
此愚願舉所未能已。借書為將來告。

察院續題名記

王大任

己未冬十月。察院大有司。以風紀之地。不敢後請。先

仍舊葺之緣舊堪規制湫隘且樹屏近門垣殊矣觀
型謀欲改圖而隣比居民自以密邇官署不便棄隙
求售因就而拓之卜吉興事始於庚申之孟春而落
成于季夏前堂後室比棟連楹洞啓重門翔飛四翼
退食有亭觀風有樓即監書供辦之寓度閤漏除瀾
廁之末固弗歸門外徙屏而遠之表裏廓如也屏之
南潔司府之館四廂條廡僚之舍下及服事之瑣瑣
咸有棲止願周且詳方欲磐石述其事故前院題名
碑盈石亦宜更勒以純瓜代聒耳目緊惟觀感所餘
更並舉之因悅而思曰吾何修而居於院撫於碑晉
於名哉其五願名思義用條砥礪之具琢磨心術以

自執於廣居正位周旋大道中凡厥菲薄憑仗

威靈矜智術逞苛虐恣其好惡以毒入之事不忍也

日慎一日求盡失職而路人口碑有堅斯石自不磨

也不然使民激為怨忿之語如滇之在昔之謠所謂

不去地無皮云者則深青濃碧厚琢深鵠求蠲刷磷

滌不得祇自貽累庸何益公論凜凜嚴於鉄戟真有

不可磨者可深省也况前矣回祿天心可察不徒警

悟我也去番分而休咎利鈍係之未可以其遠而昧

往日謠言民情可見不徒是非我也向背分而得失

榮辱係之未可以其微而忽天人之際昔人所謹戒

之戒之用託諸石附君名于座側以識不忘云

布政司題名記

曾存仁

昔哥馬溫公以為名為戒直以舉為利者例論後世
事淡於名君子類指為口實愚文以為通方雲南布
政司先後題名凡三十嘉靖乙巳春門廊不戒于火
石隨以燬至是修復故事今前後羣公姓名履歷併
刻一石仍虛左以俟來者時在位諸君子相與訟予
予曰名之必題於石何也曰匪石宋名惟名能為石
之輕重耳夫今之官岳視古諸侯居國子民於是乎
寄以予輩列官于茲儼然古諸侯之任人之望之將
使以居予之名予之乎抑以竄相責備也夫人以君
予之名予我而不思所以自勉非也以君子之名自

魁而不孫遷被古之實勝之善非也是故勤宣明德
過却黜庸以繁并其官於是乎官有善政必有公評
以徵靈我國家固將得附於君子矣況尤有建於外
者我若二其德愾遙思所以慎其官於是乎政有
遺慮我固依壁以干鄰於國家固將得罪於君子矣
況尤有甚於城者乎故曰匪石宗名惟名爲石之輕
重也曰必題前諸君子何也語有之不習爲吏視已
成事則前之法措謂非吾今之準繩乎吾誠師其意
不襲其事考其跡觀其用斟酌損益與道爲歸有不
淑者必以爲鑒則前乎吾者孰非吾師資之地吾可
使其名泯滅不傳耶曰必虛左以俟後何也後之君

王前在得樂之鄉樂矣碩土也人民

朝廷之所寄也吾今亦惟為其力之所能為焉耳吾
力之所不能為哉之所不能為時之所不可預為皆
不能無賴於後之君子審時度勢以償吾歆為未酌
之志吾可不慮庶以族之耶夫章往而待來尊道而
求友此所以合衆實心以為民凡以君子之道待人
而因以自勉焉者居徒為參章為比昵將焉之所謂
同人於樂而差春承之雖列名于石夫奚榮曰是則
然矣以司馬公之言列之得毋汲汲于名之嫌耶曰
公之所謂或者石勝之名也居實勝之名公固嘗言
之所謂居是官當志其大捨其小先國家之急而後

身圖忠義鳴呼是志與黃庭為誅宦之訓固我有官
君予之齋鑑為誠相與勉將人之視之為麒麟為
聖君大府康名之有節

何東建雲南按察司記

商裕

戎朝洪武丙子設雲南按察司示時即昆明縣治為
吾國隨就簡幾八十年於茲矣中間雖時加葺治然
不通焉朽以堅拓而新之良有待也成化丙戌新安
蔣鼎猷奏

命總憲足知公務之暇顧而嘆曰外臺綱紀之地而
隘陋若此可乎遂咨稟請時可有為若復因循誰之
近昨遂借陳采課諸鎮守太監錢公能總戎黔國沐

沐公瑛暨巡按御史請以雲南中衛及貢院改本司
而以本司為貢院以圓通寺空閑官舍改為中衛諸
公稱善乃令辭具疏以聞

山可之事既下同心協謀相度區畫掄材任人咸稱
厥事錢沐二公首捐百金為倡一時在任者以俸助
而經營提督之責則都指揮禹傳方明專任之始事
於庚寅之三月而落成於是歲之十月其村小磚甃
之需悉出於公採辦興築之役弗啻於民允建前後
堂經歷司照磨所議門正門東西吏廡屏宇獄禁以
至庫庖泡湯通三百三十餘間傑棟崢嶸重門軒豁
真寒森然莊居述興造始末走書徵記予惟雲南古

遷徽是地周而前米及職方歷漢唐宋迄無定屬我
朝

大祖高皇帝誕膺天命統一寰區而塞南悉心歸附
列聖相承心漸義摩衣冠衣樂與中州等而接聲風
絕之司所賴以詰姦激貪鋤強禁暴使游居弗稱局
以重威是宜莊居偶之同寅和之鎮守總戎王成之
由是規制一新吏民改觀端本澄源誠非小補莊居
可謂始所當務者矣繼自今綱紀益振政令益明使
一布之人曉然知忠之不可為法之不可犯則相室
清峻無愧于興建之功憲職修舉不負于付托之重
義一舉而衆美備矣故記

按察司題名記

鄭 碩

宋陽李君朝用繇浙藩叅政來為憲使於滇期年法
令明肅政化大行民以晏然於是考尋舊章得前人
之任官於茲者名氏若干人將題之石用垂不朽微
言於予當政之載籍周命憚人徇省四方漢置詔刺
史行部以六條察舉詔國唐置觀察使其後諸道帥
臣或兼之宋有轉運使副判官提點刑獄武臣提刑
提舉茶鹽常平之職前元初建肅政廉訪司以專接
察之任歷代官制不同其實皆監司也雲南去京師
萬里洪武十五年

太祖高皇帝既定其地始設承宣布政司都指揮司

以鎮撫其心逾數十年教化孚洽聲名外物之美寢
漢世中國等又慮大暴或橫吏之或作則人之嬰其
害者多矣二十九年乃建提刑按察司置按察使一
人副使二人總理憲綱之事後置僉事四人兼任分
巡察舉之責然非清強直諒德望老成之士不稱其
選而士之居是官者必皆思自奮發勵廉恥重名節
守正循理以求無負乎

上之任使意何其盛哉夫見萌思齊儒者之事也正
己正物憲臣之體也今率居以政成之暇而為是舉
蓋欲使同官之士出入起居朝夕視省與其好賢樂
善之心並懋夫律已律人之道庶幾憲度政令相與

懸緣於善也余菲材正統中嘗爲副使於斯雖什今
官其賢與否固不敢自知也後之人豈無指其名而
議之如壞院題名所云者嗚呼可不懼哉

按察司題名記

陳洙

皇明混一區宇赫張雄圖稽古建官良有深意列苟
設按察司振揚風紀肅憲度員有廉使以總憲有
副使以分任判也照來西南北不同其人同其官同
焉玉璽坊有樸家文雅磐石題名以格往昔昭鑒戒
誼也雲南臬司題名舊有碑坊於景泰迄嘉靖凡四
暨其詳略見記中歲久姓名湮滅碑無恙地倚巖盛
哉隆慶壬申吾閩漳王公以副使攝臬政軫念於未

者周以訛藉之謀平石翻刻用光前或今以程去今
聖已矣錢塘顧公奉

命未嘗憲事未決旬以獄患流政平刑措漢人誦焉
環視趾與慨然卒厥其事而屬予記之予惟古今有
代謝獨名焉不朽以制論蓋惟其官不惟其人以誼
誦言惟其人不能其官且名者實之對也名實之相
須循形影之相虎形端則影正實勝則名彰古之君
子樹鴻猷建駿業者率皆流聲金玉垂譽膏壤功德
在人取百世不能泯滅若皎日行天雷鼓域中自能
揭休光而震聽觀矣又奚待勒名奉石耶夫前之車
後之轍昔之蹟今之鑒覲首興思碑以人重美斯頌

德碑所以表聖德皇恩固在是而不在碑也吾憐謫
法姬托素時奮庸身爲憲臣有瘼是式爵位崇鉅后
可活活善也設或奉厥虔願厥行與緇厥素大將指
攝其職死而誠疑之是不可懸懸懼也碑在堂左望
之森然庶我存任君子朝廷而暮陟左時而夜瞻觸
於目擊於心得乎顧其名思其誰手儼爲吾人座右
之銘矣胡不長哉碑其衡析三秋視等級以遵制也
若註案里出身之錄賁後先暇敦誼也制遵則正誼
敦則公正則國祚凌躋公則國祚遐邇忌以志久遠以
謚表其存於乎是舉也副憲湯公張公李公羅公
許公會憲田公畢公皆展采一堂卓犖表樹相與際

修之於後盛無繼而資成之余以公之乃為記其
題名表內都始終云

縣重修學道記

陳善

昔聞聖祖嘗人修長府孔子許之學孔氏者在於節
以制度不傷財不害民與之休康而已然有不得不
既作者為窮則變變則通時義當然聖人不能為也
予茲提學道也修建蓋亦有所受云嘗讀學憲桂林
公公修學道碑記乃弘治十四年因縣安道而改置
者為堂三間其後為品字亭亭後數武為寢室三間
夙自正堂而東至露臺即舊址也西阻民居露臺之
東來四樹而麓者舊露臺也南北相距僅二丈八尺

至儀門亦如之每諸生進謁雜然盈度升降上下序
立無地予每嘆曰學校儲材之地風化錄出之原而
其內之隘陋如此大門之外大許為門屏屏之東為
行道而公署而環列者民居也於辛將使廢僚屬共
遠人觀化而其外之譔溷如此矣而道西居民有款
易地者命夏生誥往視之維七丈橫七丈有奇與道
中之地相準予甚喜曰於百年嘉舍也遂以其狀白
於中丞可齋游公侍御及泉王公期改作焉先是東
西促而南北狹其南為大戶姜公所居其北則修廟
四十楹為諸生憩息之所既已闕西之址矣其東亦
隳民居而廣之其南則易姜居地丈餘其北則移修

廊於東隅限以高垣繇是試廊增而非舊之狹隘
矣乃經始為心遠亭亭之前為後堂五間而軒於其
前為三楹兩旁為房各五楹堂之北為讀書樓三楹
拓正堂五間扁曰明道而軒於其前為五楹左右為
房各六楹中為儀門樹以棹楔新大門而塾高三尺
移門屏於行道之東魁偉赫翼煥然一大觀矣人之
登吾門升其堂者出入有度登降有儀周旋折旋皆
中矩則蓋不動聲色而自興起其端莊肅敬之心矣
吁禮之可以為教也如是哉是役也雲南府學教授
奚仁司出納李顯朝許伯昆明縣學訓導程九霄稽
物料左衛指揮王輔總衆工後有防守之役以前衛

指揮陳松代之分理則千戶廖輔百戶陳昂周岐始
於庚申春之二月而以辛酉五月訖工凡費白金為
西三百八十有奇皆取各學缺膳并學祖不煩出一
錢之費予東西考較什九在外至於料理周密代予
任事者縣學弟子員祝生成也生多材有心計大功
告成勞勩居多夫自

朝廷建學立師以來幾二百年矣賢學之臣類多鉅
儒然皆因陋就簡未有建百年之永圖者時未可也
予今為是不得已之役其於綱紀風化未必無小補
云

增建雲南提學道署記

黃琮

事之興也。不始於隆慶而實有不得已者。余以
己固之憂。入滇初。較士雲南府。見其蓬蒿狹窄。試不
過三百人。而邑肩摩背接。防範難施。至縣署。瘁瘡
無無。老統繳苦。歲風雨。提濕則諸生固甚苦之。詢其
弊。有歲編具在。而閭閻之所供。舞簪皂之所求。率定
倍蓰無算。松嘆蓬亭。一役何使。民視為厲府。而諸生
曾亦憐寔。角所爾。且也歲而較。亦歲而構。是曠民終
無已時也。去樓未安。非事不可。惟時以倭遠未遑。年
忽乃撤雲南州邑。查所供額金。二年得三十有奇。稍
以他金益之。召兵度堂前。長亭二十五楹。度兩階。作
廣廊。左右各三十五楹。而地勢不足。不得已拓二門。

長數尺廣之於是合之可試士五百有奇而危危掀
掀視前庫室狀不啻連與工人恐告余曰室屋猶人
身已一尺之面而僅一一之軀柰不稱何余蓬亭殿
竅亦一尺面也顧諸圖之余睹踴久之仰視列屋已
半有地修者葺之亦惟其時於是內自中堂寧臺後
堂正寢皆撤而更之視舊廣可增十二高增十三外
向懸門而垣表皆撤而徙之各處出二丈許其左右
則昏吏門隸廚滷之所或修或葺皆犁然脩矣工人
復踴進曰足如肝木碩黑棉矣門益出而屏益近室
益大而後益縮瘠其背而閉其口於喘息榮衛宜乎
於是畧地且盡則問之前後之居者凡十一家厚其

而欲臨之得屋凡七十餘間撤其後以爲宗樓殿其
前爲廊廡中置廟壁旁刻府邑西廳餘以居諸執事
者屏壁之前闢爲射圃其南建射亭旅是盛堂則金
甍如殿中開射流泉如帶登樓則四望雲山杳如屏
如戟衛環拱漢中云勝味爲太親翁大足堂蓋初祭
以亭則儒業以一壺亭故致孝然自至亭具而士誌
講者始復一司之安小民之視歲孝也始免快辨挾
索近者昭律日歲綿且從茲可永哉則雖以百煩費
而博共一便私心猶竊快之是真所謂不知其然而
寔有不得已者蓋昔王仲淹有言旁入逸己胡寧
是嘗悲龍門今所以不累廣舍也足於廣舍事頗類

饋如許云者為諸王為細民求且出逸已否余不得
而隱者抑古人興作類盡役民今抑取諸直工取諸
傭小民名托予求實以懲將至耳果且出否民否余
又不得而隱也非逸已非勞民幸所謂往吉無咎余
不知有命乎否姑述所以令觀者得從而是非之
是役也肇工於己酉十二月十日竣於辛亥十月
三日日費金可八百有奇皆出祖康撫臺周公助料
奇百金有奇合之可近千金買民房十一家契共十
三張領銀共壹百二十五兩五錢具刻碑陰督工官
按察司檢校陳奇中銜知事鞠純仁例得並書其他
瑣細可無盡紀也

廣都指揮使司題名記

陳 善

提

聖祖既平滇堂用吳變夷

神護睿算迥與古不同是衛禦所東西星列拱不惟
開疆辟土示永戢熙彈壓周靈殆維視百蠻矣夷
攷其制為衛才有七軍民指揮使司三所禦平戶所
亦而蓋矣以都指揮使司其設官都指揮使同知參
事各一人蓋至洪武七年而經制始備二百軍乘
事開拓茲者固多熊羆之士不二心之臣然知忠孝
大義者罕矣其姓名不列之貞石何以彰往勸來
今先是題名石有二其一自洪武辛酉平侯沐公建

至四十二年都指揮僉事王世科止其一自都指揮
趙晟起至都指揮僉事劉珮止題名已遍隆慶二年
上節趙君弘祚來視閭蒙歎曰古名將有言人死晉
石故列石于石可以其人指而品藻之也于是伐石以
續題名間記於予予自庚申歲視學於茲至今逾一
紀矣聞曩時以忠義奮發者有王君世科乃今有趙
君弘祚王君倜儻饒智畧趙君顙直勇不畏死使歸
利害當軍吏則杖箠死義趙君其人也嗟乎以予所
聞見若缺則前缺豈無趙君若人者乎誠有之則可
指而知也後缺豈無趙君若人者乎誠有之則可指
而知也視此則其人或忠或邪明鑒具在不可得而

迹雖存感于忠義則良志在不自知與此不可得而
遺也然則是碑之立辨忠邪于當時定褒貶于百世
與人心扶

鑒極德報恩者既行而業而焉斯豈非

聖祖用是變夷之遠意而設官設吏之彝典歟趙君
以入鄆或行跡塔及城誠知所重也越數月楚沅楊
君類來劉侯遊事其負忠勇亦趙君流獲也書昭楊
君使刻石之上方

雲崗府題名記

施 呈

嘉靖癸未冬太倉茅公承為承守我邦正經興民敦
古憲俗不期年治成士民倚以為重公方飲然弗自

都也。恐曰：惟茲下民既阜，且教豈予一人之休，而我
前守之遺軌，是賴會稽董公懋著厥績，既刻石建亭
于府中門之內，以張大其事矣。前後諸公，曷可碑無
聞耶？予是稽其名，以履歷刻漢以來若干人，並建亭
於西，而命星記之。星惟雲南郡縣之設，始於有漢，入
唐，歷元，漸染華習，迨我

皇明肇建府治，簡守臣以牧之，殆彬彬乎盛矣。是固
我

國家人文之化，丕周四海，而諸公承宣之績，焉可誣
如夫鍾漢迄今，凡幾易代矣，而砥礪始盛，則大積累
之功，豈一人所能致，雖張犯損益之間，各有能有不

能其表以而盡一也慨自封建法廢而守之制不
可復舉或盡地以守水或以治去晉魏氏之廢常已
其或以保存或以功者去也有思遠也有進而締結
之弗容已者則豈可襲取豫致哉故為政者意已之
弗有爾苟亦有之則傳即先夫師僕於若然并名以
其實坊為滯者之心也昭名以勵世矣主言者之道
也建名以垂此為人後者之事也諸公之在當時即
無意於石矣不有以表之孰從而彰不有以求之孰
從而傳之也耶此題名碑所以不可已也夫碑自今
而八則近元以上者微始也元以上或書或不書者
存賢也今則無不書者致詳也微始則知本存賢則知

獨致詳則知考三者立而彰往傳後之義備矣自今
以始吾民之拜亭下者必將曰某也循某也能某何
德某何功諸公之緒吾民之思不將有賴於是乎否
則亭無指而議之者乎後來者顧設斯亭又得無計
名而思勸乎

重修昆明縣治記

吳鵬

愚聞者故滇池地自漢元封以來沿革靡常至我而
本朝改中慶路為雲南府以昆明隸焉蓋劇縣也縣
初建在滇池之良隅位置弗稱再遷得今治然創始
時率從粗畧規制雖甚及今又百有餘年堂宇廳舍
日就傾圮風雨不蔽棄曠山積架閣無所獄庫淺狹

垣且敗門出入無關即有輸稅於公者及訟者至與
憲祭環郵廡下漫不可省識計今茲縣者不知凡幾
人固亦隨宜補葺要之因陋就簡未有能昇新之者
非所以示觀瞻也嘉靖壬寅夏四月值馬君宣知縣
事始至喟曰訪有之廉達堂崇視塵滯足之不務而
又為從事於乃毅然以經營為己任上其議於大中
丞白崖劉公報可巡按宋公南渠亦曰可藩臬諸司
皆曰可於是憲財用計徒庸量事期示章程議式廟
以甲辰正月初十日經始為堂崇一丈九尺基加崇
三尺正門基崇二尺儀門二尺有奇市民居拓地從
九丈二尺橫二十五丈一尺為周垣一百九丈四尺

為爵三為幕廳一為祠為庫為獄為棧為亭于堂後
者二左曰致恭以禮賓也右曰慎思退自衛也獄中
廳曰曰春示仁也由門堂解舍而降至庖湍之所約
一百七十有餘間皆新作其他則仍舊而加修者闕
陋就佳高明炳煥翼然改觀於是年六月十五日以
成告費取諸官計銀五百二十有九兩工匠取諸雇
惜夫取諸民每丁役其力止五日勞耶而不怨君子
曰是役也可以書矣夫興作重事也春秋凡用民必
書以見勞民為大然使之以時則又未嘗不致喜焉
予竊怪乎人情樂因循而官政憚改作非甚不得已
終不敢更一樣至有視如傳舍終代以去者為君獨

以經營自任而衆人之所忌而不顧大中丞公以及
郡司悉聽之而不疑其士民亦觀厥成績而樂道其
善足以徵交孚之義矣固春秋之所予者書之以告
後人俾勿忘其所自始焉居名宣蜀銅梁人爲政知
體多類足

大理府新建督學試院記

江 和

樸榆文士甲滇雲二百年來有司作新者代有試院
闕如也一書院不知圯自何年蕪廢不治學使者至
率就試於御史臺其飭以茨以絰而不以陶埴屏翳
風雨之不時則諸簪筆之士至不能安席卒乃事且
材違違貸之民間不無西厲焉太守病之以謀於郡

諸人士曰書院委之草間試院借之他所非計也是
可易無用為有用乎諸人士咸踴躍稱便更請之當
道重公亦報可即日撤之得材十之三得植十之一
餘但朽腐不可任然安所得地而棟之隆之乎適民
間有隙地在郊東隅欲售者倍與之金錢而揮弁之
守篆者亦以其內令地餉太守日即先諸僚屬糾度
諸藝士一材一植栽栽俸蠲錢以助一奚一役悉量
時計工不兩月學署翬然聳翼然峙翬飛而鳥革者
為堂拂雲而慈星者為樓文明以止者為棹楔窈而
深寬而有制者為試場繡閣以起有三庑庑環列墉
垣鞏固久埋之政以舉不朽之觀以具予以戊午春

較士全睹闡內若外言言翼翼耳目一新以勞太守
太守不有既畢試諸博士弟子州而弁者咸太守功
請純成事予曰居此太守之為是舉乎凡士風文運
從精神而新耳目者曠精神者也又有苑講有壇而
賓主有館牖耳目者也太守毋亦惜其為作新者机
耶非夫一試事之兢兢已也諸士新其識語語發之
性靈言言抽大埋與毋散帛而千金饗毋燕石而寶
匱藏乎新其養日令神明之蒸雪精氣之局鑄毋躍
治而為不祥金毋受駕而為憤轅馬乎新其猷處若
保母之閑閨婉出若春思之照百昌居常則外其家
履變則外其身乎此之謂日新此之謂盛德此日月

同幸未與乾坤同景燦斯母負於今日更新之會也
且爾真之所乏者豈文乎玉馬流徽於金碧叔覽樹
檝于洱蒼招代則簡軒奉使嗽唾珠玉如信陽霸人
逸客照耀夷夏如成都而武昌舊水握憲鑄人又以
其風流文雅中樞而後勁之斯皆諸士之前修而吾
所望於新新無已者則不第文章彪炳聲聞奕奕如
昔人所云小技壯夫不為爾也人文蔚治蜀教化為
先子雲相如源流脉絡適有可尋太守諸君可謂知
所先矣爾諸士作新之意尚其亟圖焉緣諸孝廉申
前請遂泚而為之記是役也太守傳皆董其成郡丞
令陞武定府黃廷鳳鹿江別駕署太和縣事程文弼

別駕杜漸區金龍太和令孫技術俱力厥成得並書

遷建大理府治記

李元陽

古者建侯置守非依名山天川必依形勢阨塞以為
固猶必審向背之勢辨陰陽之宜而後測景正方以
昭宣達焉垂設險詩詠攸萃略可暗笑大理為郡西
據蒼山觀乎平川東距洱海浩乎萬頃山水交于其
外城邑奠乎其中矣非所謂固而可守者乎然山延
其庑河流其震枕山襟河惟其位也乃舊治面離而
出席坎而居枕既戾山襟亦失水始拘法制之不得
終虧與地之大觀識者每以為言吏事妄之循習隆

慶已心內江劉公翔以監察御史巡滇按部所經思
存大體謂茲郡居南中之要處撫夷夏之大防氣得
中和土號沃衍而府堂坐墜解宇翬湫必欲革役因
循蓋亦圖維久遠乃檄監司太守長慮僉謀陟降山
原法爾規畫卜占協吉事在必行惟時巡撫都御史
江陵陳公大賓聞而善之方伯錢塘陳公善長兼陳
公特範贊而決之於是諏日興工伐木輦石明其位
置差具後先正堂像門有嚴有翼乃治衙廨乃作庑
宇長貳佐屬以柱差列視事燕休各適其宜庫藏困
圉涼觀嚴固吏舍衆積閭閻惟稽戒石有亭禮賓有
館工程垂集作棲於閤更漏時焉府額榜焉所以統

率州邑表正典章望之峨峨即之秩秩山光水色蔚
乎其相扶也炳乎與相輝也二百年来久闕之典再
興之頃通觀厥成父老猷猷縉紳胥慶庚午始事土
事卒土用銀以兩計者二千有奇用工以人計者八
千有奇則限不棘疏民不勞處置徐徐故費不侈癸
酉六月太守述職述績以記見屬且曰周人考室風
雅着之魯國作門春秋載焉方今

聖人御乾萬國翼衛惟茲山即建控諸夷若非環峻
康臺何以觀示方域願鐫金石以永萬年陽不文然
不能辭乃載筆列述其事以見崇顯制度之意焉

臨安府距海南幾五百里古荒服外地前代建置沿革詳於志也

本朝

太祖高皇帝元首萬邦肇興一統流先代之陋宏盛世之規置府於衛之右大乎相制控彼諸夷是洪武十有五載乙時制尚未備迺洪武二十五年通判大名許公草繇守瑞華左遷於茲始經營之前為坊為門為堂祀堂之後又有堂曰惠宣左右有廳東西有舍外置倉內置庫自刺史以下宅皆朴素繚以塙垣復以陶瓦環廣可二里許判山前拱北巔後峙建水南環蓮池西限西為學宮制度宏麗陰陽醫術有學

申明疆善有亭園園有禁頌囑四縣四百里海為東南
要領置守禦十戶所二屬長官司九若訶樓茶甸獨
居河內若勝容甸溪處甸思陀甸落恐甸左能寨聚
處河外其西偏也若安南教化三部玉弄山其南偏
也峽通外國若交址若車里若八百所謂邊徼重地
也方千里之廣民至百萬之夥所謂為滇上閫為大
府也乃若戶尚詩書人崇侈靡守圻者防於襄陽世
公宗寶繼而程公子益王公庸朱公志光陳公禮慎
公瑛徐公文振劉公芳王公佐咸權自名宦後先相
望有聲其賢與否吾不得而知也瑛以刑部員外郎
來守圻四稔矣才不稱任恒自戢衆上以仰答

天恩下以脩就民情因事制宜一求於當而已也若
其賢否吾亦不自知也同列請刻諸石因併記

新建永昌府治記

楊廷和

永昌古哀牢之地置郡自漢永平始歷代多因之元
穆遠略創立金蓋大理郡元帥府於銀生崖旬其地
在今千餘里是所謂金蓋也後以遠不可守改為衛
移就永昌府仍冒金蓋之名其實非也我

朝洪武士中省府以其名併入金蓋永昌兩千戶所
以金蓋軍民指揮使司永平縣亦隸之領之者衛官
尚未有鎮守內臣及武臣也景泰中始有之

朝廷悠遠文教踈濶上下交征日朘月削盡民之所

以與地之所產不足以供糴粢之欲而民日華困
口衰耗盜賊繁興君子小人咸相嗟怨往往言於所
司欲後府治前共巡撫屢以

上聞輒下守臣勘報名阿所好因而庇之虛唱夷民
以必不可復之狀甚矣永昌之重不幸也嘉靖改元
巡撫都御史何公益春遂謀於鎮守總兵沐公紹勳
巡按御史羅君玉希君春連章請革鎮置府議

上報可遂改為永昌軍民府永昌今閭之室家胥處
相與語曰而今而後庶幾以生矣我有田畝我食我
力無豪奪我者也我有男女我婚我嫁無脇誘我者
也我有官守我師我帥無御夷我者也不圖今日復

為辛氏必新

天子之賜諸守臣謀國之志我子孫百世之利也未
幾何公召為吏部或有鼓扇頑民欲害其成者都御
史王公啓繼之亟以興革之原禍福之幾榜於道路
仍督藩臬重臣往殿之捕首事數人寘於法天側復
靖御史傅君桂按部至永昌其土民具言府治未建
人心且將惑傅君即日審勢定址計財料立以內鎮
守舊治改為之王公特檄叅政鄧君相副使蕭君乾
元董其事兩閱月而成一如他大府之治法所宜有
用或不備永昌至是真大幸矣布政黃君志遠人來
請予記人人下之事謀之在同成之在新而運之在

機自永昌之人病於兩鎮之虛也凡有憂民之心者孰不欲更之而議或不協又厄於時勢之難為固有獨倡而無和欲執而不能者

聖朝更化百度惟新何公首主其議王公成之而鎮守巡按藩臬諸君又式克相之是以一興章之而惠流遠徼功施無疆信乎運乘其機而謀與斷皆善也抑余微之漢事永昌太守鄭純為政清潔夷俗安之書於史傳至於今誦之不衰然則近日守臣建議慎擇牧守之意亦後來者所當知也府之復其事為重故詳記之若夫經營之役固在所畧云

永昌古衣牢國視今寓內則西南之窮壤矣漢夷雜
耕田無則賦而又兼并于有力者之家是以豐者餘
康肉而約者或不厭糠粃且不謀朝夕無蓄藏徒以
其土之所產力之所攻者相與貿遷平旦側肩雜糴
于市乃可給晨炊每時未及參豪戶輒因賄以延厚
直而不執牟利之人愈益騰糴焉里巷狼顧則叫囂
渴頭鳴于官官使吏治之亦與人人阜也先是兩臺
聞而閭之檄有司發帑徵粟以備出貸惠甚渥也而
轉相徒鬻不免騷動利未必佐及于民而先售之富
矣詎不公私俱罷哉歲嘉靖甲子泉州竭齋王公春
復以兵符駐劄其地聞茲弊而憂之乃取長孫平所

論義倉法與朱子社倉之制詢謀於時有司及其父
老子弟而實成于顓大人足泉吳君松乃籍民可出
粟者以戶計得若干人不旬月募粟六千石有奇又
廉得廢倉基為庾庾貯之而一時之民命胥賴焉比
年歲告歉即糶糴而賤其直然直雖入而策後之議
猶復譁然或云姑生息以行之或云貯必浥又云願
則民且負若資而守者為尤難計人人殊莫知筮決
而予始握監司之

命來則與郡守張君元諭謀張議買田以長其惠事
半復遷去而予固以其直之半易粟於倉田收腴者
而定其租額逋巡量見高劉公按其地復為議微散

之法而後成焉吾知時散則無泄矣善歛則無負矣
宮治之無出納之奸矣然則倉其永惠哉雖然有說
焉人倉必曰義倉田必曰義田何哉獨不可以釋思
乎孟義耶孟子所謂命者是焉先王思以共養人之
欲而制其求者也使人惟利之爲見而罔識有義與
命則約者微非分之獲而苛望於人豐者必淫決其
心而不窮其歛不厭祇見貪與吝之爲交而漸漬以
入於競世惟有粟時得而食哉今吾歛人之約者約
其心於分義之正但思所以自獲而無畔美之心豐
者豐於義豐於施而不罔市於時以階屬心安於彼
於之分定而行履其素位之常則比屋皆義人人其

足而穀不可勝食矣。與田之弗久也。管子謂倉
廩定而後禮節興。子則謂禮節興而使倉廩食無正
撫。曼則吾陳公詹。備鄉約並行之惠。真惠之傳大。而
悠久者也。已。漢執正於藩臬諸公會。以爲是憂。吾以
登於石。是波也。始贊謀集事者。先太守楊君朗。今陞
楚守。張君澤。與已陞臬。余趙君龍。署事提舉楊振宇。
通判蔣二。迎也。總經理成事者。今太守關君繼。與同
知孫輔。知縣羅廷賢也。謀慮周達。以相其成者。則鄉
大夫邵君惟中。霍君薰。胡君采。與石君雷。李君昇。鄒
聞趙明臣也。其翰臬之卿。耆義士與指揮之有勞績
者。未勝載。載之碑陰。

陞姚安路記

元政賜玄

雲南有郡曰姚安當段氏有國時為姚府居南詔入
入府之一其地有崇山修谷平疇廣川饒麋鹿魚鼈
之利其上宜黍麥穀稻其民尚美俗樂善事嘗考其
載記高自昇泰相國六世至護隆封其長子隆政為
姚府越雋會川三郡之演習演習者彼國牧守之稱
也皇元憲宗皇帝在位歲癸丑世祖皇帝以潛邸奉
命征雲南段氏國亡降姚府為州隆政之子政君入
朝授武毅將軍世襲姚州守政君卒子明襲天曆戊
辰又入朝文宗皇帝嘉其世濟忠孝自述述職賜衣
尚方賜鞍轡束黃指幣稱是命陞姚州為姚安路明

為姚安路軍民總管留遣明軍已已會南兵禍方
起及明年庚午高氏之宗子阿海率扣人禦賊於險
俾賊患多遯王人督師樞委阿海備姚州判官行州
事至順平辛未夏明始還鎮賊退兵解民馴復業乃
檄姚安路軍民總管府於是招流離撫携貳關汚米
還侵軼既乃繕官舍葺郵傳定民賦時軍儲姚安父
老黎庶咸自慶幸相率言曰州陞為路以高侯之故
若之何相與改觀以求無負聖天子之命以無忘我
高侯之惠佯求請辭余請春秋當時諸侯有始封為
公或先高侯後乃書子孫復書伯意其有褒貶也說
經者則謂列國朝聘之儀各有差忒特王之法不行

諸侯之國日削往往優不格物則有隆殺以從檢信
有是哉何其不振也高屋當納歟之初貢簠不絕及
更兵之後漢度不賧遂克大其封域之稱號是賢於
春秋之諸侯者益膏論之世祖降府為州將以易遠
人之視聽決致遠之權也文宗改州為路將以固遠
人之心志歟柔遠之禮也上以昭時王之制下以著
諸侯之節可不務乎雖然為姚安之吏民者盍亦思
曰昔為州貢賦附庸于大邦獄訟受成于上府人為
路矣言可以專遠事可以專決誰寔使之然哉其能
精白以承休勤敏以迓事斯則吾民之報邦侯也為
邦侯亦盍思曰州陞為路恩至渥也吾以遠方之俗

求自列於中國之懿果有道乎亦惟曰被聲教而
已於是近聘利益閩陝之士以為民師遠購洙泗濂
洛之書以為民學興時燁然聲容文物之盛非蜀之
文翁閩之常袞歟豈復有邇鄙虞也哉斯則邦侯之
報國家已余叨天子禮官當宣上德忱西南而望雲
南距輦轂萬里嘉遠人之有志於斯文也故詳說以
告之

劍川州治記

昔雲南六詔劍川為劍共詔後併六為一遂置劍川
節度使元初段氏世衰高氏遂興因請鶴川為路而
劍川改縣屬焉今柳龍克即其治也元季天下大亂

豪傑蜂起王甫楊度擅有其地要于雲南梁王以縣
為州授慶祿政兼知州事

皇明奄有區宇外薄四海罔不率服洪武十四年
王師戡定雲南置府州縣刻川沿舊為縣未幾晉顏
都等聚逆逃之虜據佛光山以拒官軍度第楊奴潛
詣軍門款附因命知州事而刻川還復為州厥後奴
意不執乃廢舊治即上登之廣明寺為治以便私事
未三載復創治於下登羅魯城背山阻水險僻湫隘
蓋欲負固以起妄圖明年夏四月舉兵叛官僚士庶
悉罹其害克平後使司遣浪渠守李崇仁來攝州事
仍于廣明寺設州逾三年廢墜不舉惟示姑息洪武

二十三年春吳興趙彥良來判是州下車勸民之急
補版學以奠井邑釐故要以章姑息公餘從容謂幕
賓熊朝宗曰州治民之瞻仰政令所自出且廣明非
政事之堂羅魯賁叛送之憲吾嘗遊柳能克觀其土
地與壇水環抱閭閻輻輳商旅雜還古人置郡邑
立城郭歷世因之良有以也蓋衆衆隙以移於舊乎
熊君曰善乃白于郡守楊公二守高公深然舊治之
宜於是肇州之人皆鼓舞而樂趨事爲不數月視政
之堂典幕之司儀門廊廡公廨吏舍翼翼落成而民
居相爲羅列街衢闐闐不改舊觀視昔有加焉至文
學之宮祭祀之壇興夫城隍祀典之祠溝洫道路農

利之類凡所以禮神惠民興利除害之事巨細畢舉
居之用心可謂至矣孔子曰因民之所利而利之擇
可勞而勞之予於趙君見之矣劍川士民請記於石
予直書其梗槩如此趙君吳興望族也舉賢良熊君
海舉秀才臨邛人

中慶路儒學記

郭松年

惟夫子之道與天地並語小無內語大無外固不可
以夷夏為限閼然而教不徒立視王化為遠邇王化
所及教亦隨之雲南去中國極遠其俗朴魯邇裘樵
髻傳記所載帝女六子即其先者是已稽之為服其
土地之賦包匭之貢無與焉漢武事西南夷始通文

化迹其郡縣可考見至於唐名節鎮永假王號牢籠
羈縻而已又安得如身使臂臂使指比于內即而臣
之哉聖元奄有六合涵育生靈以煦以休雖以神武
四征不戾而崇儒重道設庠序明教化以作新吾民
者多矣歲既丑今皇帝居潛邸龍飛之望四海所屬
念祖宗開創之艱將以纂洪休拓疆宇重以大詔八
賡首領星碎相為長雄干戈日尋民墜塗炭爰興吊
伐之師旬時雲南悉定邇來稍變南俗布元法置官
吏宣憲度遠人始知有生之樂聖上遠鑒三代永惟
磐石之固詔立皇子為雲南王啓封建也至元甲戌
復命平章政事賽典赤行雲南中書省事治中慶既

至均賦金以息民廣屯田以積穀省刑罰黜盜賊優
柔厭歎甚得速人之心暇日集僚佐而言曰夷俗資
性悍戾醫不畏義求所以漸摩化服其心者其惟學
乎乃獨俸金市地於城中之北而以基廟學中慶于
古為郡圍其西南瀕昆池地甚卑濕獨北偏最為爽
塋故卜基從之無暇於取文明之方也自余執政墜
幕有請公例割已俸以資之其木石之價工役之費
不取于民而用已足凡為屋五十有三楹禮殿奠其
中夫子巍然南面而兗鄒二公與夫子哲配焉兩廡
翼其旁七十子之徒及歷代名儒有功於世教者繪
其象而列焉內外有門左右有堂雙亭對峙設翼翠

飛別建講堂以為師儒授受之所總始於至元甲戌
之冬落成于丙子之春是歲八月上丁行釋奠禮於
新宮性帶孔嘉獻享有義戴白重韶怡怡熙熙迺觀
迺悅於是華夏之風靡然可觀矣初平章賽公既始
其事甫即叙而卒詔平章政事脫脫木兒繼領荷事
一時參佐皆中州士人孜孜之愈力竟畢其功仍擇
官氏子弟之秀者以補學生奏服其身命蜀士王君
榮午充教官以董之肄業焉嗚呼教無類也孰謂要
俗之不可化哉今大雲南荒服之人非有故家流風
以資於聞見也又非鄉黨師友之習也一旦舉中國
之治以加之皆反心革面若其固有者予以見王者

之德大以進人子之道尊而明而異域之果不難治
也他日化成俗定人才輩出彬彬乎齊魯之風則任
斯事者宜無愧于文翁云

重修雲南府儒學記畧

王 鑒

孔子之道如大圜不履時而亦或不及昔人謂瞿
曇之善能行諸夏宣尼之道不及汲提以西日月麗
天陰崖獨暗非物有障闕之也耶關而闕之則惟其
時惟其人雲南古西南外徼中作丹耽焚雉咀呬之
域五在我

朝祚鎮城藩建學設科俗皆丕變滇士彬彬而出繆
孔東席立於其朝興中州爭先非以其時耶正德已

卯巡撫雲南都御史何公孟春迎接監察御史陳君
察始至視學淑隘畢隨堂殿門廡梁楠杞腐聖賢象
談黜昧剝落相顧嗟咨謂茲土難遠

京師

聖賢漸被比中州而風化所止無憾不治所以仰稱
朝廷之意僅逮人之瞻乃命知雲南府事郭君鑄董
其役藉冗費暴閭民拓大成殿遷尊經閣補虎觀深
像設儼煥又伐石為門樹以梓襍費舍旁列周垣外
繚煥然改觀始事於己卯十一月明年十月訖工遠
近來觀咸有思樂頌永之意且願紀成績以示後余
惟通之在天下異古今遠通昔之障之也道果損乎

今之聞之也道未益乎而二君子成績不可無紀故
為記

改遷雲南府儒學記

黃 琛

考曰人也革而四時成湯武革命順乎天而應乎人
革之時義大矣哉故革非聖人所諱也革而當其悔
乃亡則惟順應者幾為予自己而入滇訪緒紳先生
儼然造曰人與學古文非子大夫事歟惟茲學宮定
居西偏漱塾庫底而長春觀獨據巖境為陽明之會
堂以所重若彼所輕若凡也鄙人有獻于大夫即無
言秋相故事其以五而新之德且無種予曰唯唯否
否革言三就其慎圖之諸緒紳既退予歸視之良然

者學宮建於至元間平章賽典赤脫脫不剌胡虜堂
言案文知衙物事及讀元御史郭松年記有款闡地
勢卑淺無暇取文明之方之語則知其意固祇有不
滿於此者蓋當是時元以愛子王真真城廣康幾許
王宮跨其五六不得已而以西偏居孔殿無怪其然
乃

明興二百五十餘年於茲矣梁宮廢址改而為公室
者不知其幾而獨其最勝之區以繼沅處之使學宮
偏弱仍昔殊所未解詢其故有哆馬上蔑詩書者從
中齟齬真士紳當一舉不克遂嗟喋不敢復發耳噫
馬上得之豈馬上守之學較設而教化行諸慳無祿

儒者誠非詩書力而猶欲伸要教於吾夫子之上與
入室更戈何異顧彼無足咎獨喧臨墜者鴻臚相
而是議卒落實到今則時教以有限之者越三半
子諸縉紳後申前說子曰可笑章言三就又何之矣
於是諸縉紳博士爭子辟諸兩院上番檄監司渠議
而環視左右猶若有依個外觀者子曰是何為耶必
若所言則是前不改服而也不變孤也予嘗惡聞若
說章而不當予銷當之為力言於蒲泉長者條其便
以後兩院皆報可於是都人士歛聲當勤謹全趙事
擇日奉

孔聖於長春觀迎

玄君像於舊學而大議遂定矣先是縣學

聖殿正當長春觀之後而觀宇巍我特峻嫌於高壓
茲既以觀為殿前後尺只無

而人子理故以後殿祀

啓聖而學舍而一之而

啓聖之左則縣學明倫堂已改為府學於是右復開
地建縣學焉而學之前有達議者嫌與

聖殿不續乃築堵相直而安晉道遺居其西又以不
得東建焉病則請以舊公議府移之於是學官與長
春觀安晉道三役並興驟然煩費然工取諸傭材敘
諸市金取諸募於公私一無所擾竟嚴程告成成鉅

麗各倍往昔者則天道協而人情順子來不日之効
明也外史黃氏曰俗儒動言舊貫蓋拘於長府之語
不知井道不可不革是獨非一言耶革卦六爻聖人
不言不革獨初九革用黃牛者時無與也六二革中
則進以征吉九三剛燥猶決以何之九四而上則革
道成矣子觀斯舉諸士紳遲遲至今者儻亦革固矣
時之意若乃身非初下而猶托於黃牛之占則天下
事當付誰第人可集成而難於謀始當二女同居之
口欲為落落難合之圖苟德乏文明才非知說激則
散靡則隳誰免征凶之咎而履致命之吉貞厲有孚
易所以三致意焉予以是知聖人之教非身體則弗

能知然非真見其必然者堅忍而力持之欲望有濟
豈可得也今幸且告竣矣章之成則有虎變大人豹
變君子取小人亦為章而明賢才奮而舉命通風俗
淳而奸宄息之象也予津津有後望矣是役也主議
則少司馬漢川敬松周公諱嘉鎮前直指新城壺丘
顧公諱漢而今直指姑蘓吳茂毛公諱堪均捐貲建
厥成焉會議則藩伯富順劉公之龍署臬事憲長閩
縣顧公思啓憲副富川汪公若冰而學使珠賓始終
經紀之查議則雲南守彭君憲范昆明令張君文衡
督工則前雲南府通判許君報國今雲南府通判鄧
君雲衡王君敷納分督則按察司檢校陳奇雲南府

經歷欽若右衛經歷沈應本廣南衛知事李枝鴻而
雲南府學訓導賀維芳昆明縣學訓導張彥皆左右
効力者所費全計二千二百有奇而院之助者居平
諸大夫之助者百六十有奇學使之所措辦者四百
九十有奇鄉紳庠士之義輸者四百一十有奇學工
於壬子年八月朧日越十四月而畢夫魯公修學而
春秋無紀者以為可啻而勞雖勞忘其勞也今將以
魯洋例之似宜無吝願一時而三役並起歷二百餘
年來滇人所圖政者今始克遂是安可以常役視耶
書之以補大事焉可也

萬曆庚子歲予觀風事發再入昆明念經果無所及
于法耶及亦不能入入徧後且弗繼于是謀為劉學
田出本院住所籍田價一千六十五兩屬雲南府守
周鐸推官孫台繩紇之置腴田三百二十畝有奇公
賦外可得祖錢一百一十兩歲以其半于臘暮日
給而學士之最貧者仍半貯之積三年大比盡給五
華書院中為諸士課文費五華課士有司故有贖原
必則額外稍優之不固是戒其故贖也歲暮為兩學
貧士資爰發歲比為十八郡俊士潤毫額田有常父
無使連祖額有常供無使溢米案有常贖無使去其
籍矣可繼之道也即不能人人及亦余涓涓一念耳

若夫永存而錫類之則惟後之君子

雲南府儒學鄉貢題名記

聶良杞

雲南爲滇省首距其地一都會也異時嘗通爲郡縣
矣學士大夫蓋教身親經略之而風教未洽人文鬱而
弗宣孰與敦道一體冒昧耀乎光明若

今日者滌觀草昧之初

高皇帝威靈無外用夏變夷諸所隸籍伍符牘列斯
土者率從中原徙置名爲遠徵寔則內地奈何執同
陋之譚猶自鄙夷滇人甚卽謂也以予觀雲南府學
鄉貢題名碑蓋益增

聖化闊遠矣滇建學五十有三雲南府學其一也始

洪武癸酉迄嘉靖丙午凡鄉貢得士二百有奇前監
察何君璋所為立石充牣無餘地矣繼自己酉而下
以至於今又六十有餘人不勝載也噫嘻甚哉迨予
不佞聞之千里而得一士猶比肩累時而得一士猶
接踵言其難也今天下三歲一貢士于鄉在交耶已
若決矣則所稱難者安在乎繇今攷信是鄉先詰有
身都將相功在

社稷顯名不朽者矣屬者亦炳炳有名世之業自筮
仕至求卿爵身南金終始不二行者亦何偉也竊所
謂比肩接踵非耶而彼咫尺自豎罔踰繩墨以效一
官而比于鄉者又往往是也噫嘻盛哉夫際

邦隆之會幸而學古通今為世推擇無間於遠邇士
之遭也念

國家廣厲旁求至意夙夜孳孳務一稟於先進之矩
以庶幾乎中原文獻士之所自效也若乃見聲利之
華聞道德之實因遂湮滅亡稱甚或益用諄諤以至
致於處毒於望陽鑄於邦者有之此其人至微末不
足道固縉紳先生羞與為伍者要之始末書不稱得
十後乃陵夷也斯非所謂得失之林而為士所當考
鏡者乎雖然此自方內通論微獨一隅之說顧繇前
赫赫聞者言即所在豪俊辟易何論南中繇後泯泯
無聞者言則恐世之人將復藉口為以為是猶未離

乎風氣之外者也謂

聖化何暖人土生足鄉而幸與乎斯石者安可不務
決策我先是不佞之海諸孝康業請重為碑以綴下
方之缺時予永存以應之今矣事三年所矣不佞固
甚愧作人罔效而乙酉之歲所得士若張璠以下
四人互相與有一日之誼者竊不自量為之粗陳大
義如此用以徵諸他日云

修建五華書院記

黃璠

黃子以已酉之夏督學於滇至則聞所謂五華書院
者以誅事方棘日遑遑而追問不及一詣比各始往
觀焉達於面拱翠澤胞羅真不減白鹿謝麓之勝而

頽梁落棟鞠為茂草令人徘徊嘆息久之會時有道
署之役弗克併舉越明年庚戌秋乃檄雲南府委官
鳩度因其舊修之制弗協者更之已以丙舍不足辛
亥復相左右町疇及城隍之餘地益之迄壬子春奠
告成為屋百七十有二修者半版者半於是五華之
上宮牆翼翼而山川之勝亦若為改觀矣黃子曰昔
讀蠹駝氏言深以促耕督織為病然古者田畯田正
職主勸相而循良之吏多循行所陋止舍鄉亭至榆
蠶葱韭雞彘之細各為課籍何也倘亦民饑已饑民
事已事有不忍坐視至此歟夫學士之田也有庠序
以曄之有科舉以勸之而又為書院以課督之與惟

明既繼辟吳頌海內自白鹿衡麓等四書院外在在
有之寧獨不以爲病寔以爲利至於滇則余又以其
並焉滇故百濮之餘也自漢元和中有神馬白鳥之
瑞始開文學之風其後亂於唐棄於宋夷於勝國存
者能幾至

皇明而始建諸學校至

今上而始增斜舉之額滇之於學其亦地之旣脫田
之舊畝也其明當倍力故所謂勞耒而輔翼之者當
倍焉且也車書內向

皇風遠翔二百餘年于茲矣而蠢賊潰江寇據竊據
無時無之興師問罪撲而旋起者何以故豈非教道

哀而契倫敦受人易使者少而犯上作亂之萌無自
銷歟則庠序之外復於書院課督之大亦世道人心
之慮有不得不然者或曰科舉興而士為詞章之學
今將以詞章課之則亦利達之媒已耳於世道何裨
焉噫結繩遠而文契繁圖畫呈而文象著賓興起而
為今日之科舉風會之流有自來矣且安見今日之
科舉而不為昔之賓興耶夫口誦格言力探祕義得
於心而筆之詞矣孰非古三物中六藝之學而古人
兼習其事今人直挾其精其於入道之門似尤簡徑
若乃六德六行雖先王教人本旨要令從六藝中尋
求服習涵濡而自得之寔非課程可及何也教之可

得而指學之可得而指者皆文也予曰博學於文約之以禮聖人之望於人者約禮顧所日異從事者何嘗晚然離文故文之於學宇宙之日月燈光以文斯辨辨而後不可欺而後可責以不自欺不自欺則誠誠之至聖之至也舉之事盡矣余安見大今之科舉舉不為昔之賓興也者顧誠與欺云何如耳惟諸生審處焉是役也經始協謀藉雲南太守彭君憲范之力盖有文翁遺意而料材課工則廣南衛知事李校楊鎮沅府經歷徐可迪分理書院事雲南府學訓導賀繼芳皆有功興作者例宜並書

昆陽州儒學記

嚴清

皇明御宇文教四敷無遠不洽昆州今在滇海之濱
密邇者會建學逾二百稟科名不滿十堪輿家妄咎
於學不得其地人不能無惑焉萬曆乙酉冬秋侍御
李公攬轡至郡教官楊廷舉率諸生投牒言學當遷
狀公曰堪輿言不盡信頃吾

廟謁見此學制隘固稱前此雖遷之已再即更遷之
未為通也僉曰幸甚恭岳范文西公時同在郡力為
贊之府御公乃命紀守汝中相宜惟即比郭勝費不
給以贖錢五十金佐之餘惟所措董率之勞并屬於
守守遂督撫劉公與藩臬及府皆報可遂庀材鳩工
以丙戌仲春興事閏五月而告成廓小為大昂舊為

新上自

殿廡下連庑通廊不備卑煌煌乎鉅觀矣侍御公曰
典制也宜托貞石以垂永久守無過予問託予卧病
不能應三至余勉應之曰大夫為諸士厚矣不知諸
士之自為置為科名乎抑否也夫搏風之鳥可偶運
於層霄群彼鸞斯總不離乎蒿艾多寡矣所謂我昔
者子游宰武城孔子以得人為問子游以子羽對武
城魯下邑千載下因子羽遂以傳大小亦非所論也
子游在孔門以文學稱而其取子羽時以不事干謁
不尚捷徑兩者而已文辭不少槩見也謂非所重在
此在彼耶堪與家以利達言取必於學我以事理言

屬望於人諸士自決擇之可也余鄉人也為鄉人語
安見侈為高論乎曰太宰之言雖為鄉人語然道不
外是古之君子處思所以立己處思所以及人及人
必先於立己非兩截也子羽見取於子游獨取其鄉
里自好耶之人也充其操可薄乎駟萬鍾有用之者
百里之命可寄也不然何足以當孔子得人之問乎
耶素稱此邦士結性雅淡外訪不遷豈無試而云然
語曰前不忘後之師也故吾願今日諸士居此新遷
之學不須外慕且法子羽異日致身青雲何患無青
雲事業耶如或蹈足公門苟徒沽句憂心末路罔念
承乏縱其枝葉之辭幸博一第膺一命半生溫飽于

世安無賴心

國府遺學諸君之意謂何吾蓋即而筆熟視諸士終
若魁也但期與負侍御公美意益效忠告詎知庀而
贊附耶余曰夫夫之言發余所未發亦善發侍御公
不言之旨由此昆陽得與武城並傳則絃歌之化其
聞愈遠矣學之永不唐如靈光矣科名何足計耶

大理府鄉賢記 節文

高 封

今天下郡邑學宮皆祀鄉賢大理郡學有祠始于郡
守和門汪公標嘉靖己未秋即貳內江高公彌以御
史移蒞謂名宦鄉賢祠狹隘弗稱謀於郡守貴竹周
公魯新恢於學宮側如期落成屬封為記封鐫曰大

理者梁州城漢置郡建學張公故者從司馬相如公
授經歸教鄉人而鄉獻自此始晉唐宋元間有若龐
道筆載諸志可考已哉

聖朝治化漸被凡厥鄙民屬藻咀華者濟濟賢而祠
祀者按舊祠庠吉士楊公榮以下若而人據舊志來
輿論今評覈所當歸祀者若而人或行潔端而或孝
友盡倫或文學功業或忠義正直或仁惠循良或弘
毅高節制行雖殊其賢則一依型孝於閭里公論定
於寔寔裸荐俎豆固宜然鄉賢之名何妨乎大道
之世人人皆賢自虞貴德夏貴爵殷貴富周貴親而
皆尚德故其名始著况鄉飲以先孝弟鄉射以觀德

行孔子曰吾觀于鄉而知王道之易易也即一鄉可
以推諸天下靈湫高公與桂麓周公共成師帥之實
意特風我邦人乎哉公嚴君戶部侍郎三峯高翁公
韶會以御史遷守吾郡振舉風教軌撤尚存公新厥
祠以宣化理可謂善繼述矣

大理府名宦祠記 節文

李元陽

有物固結乎斯民之心使民自不能忘焉此名宦之
所為祠也昔何武所至無赫赫之名然去而人思之
融其柔誠惻怛根於中即不暴著久而相忘方其在
時不知其歸德及其去之後乃惕然覺而追思之
夫人心者君子之德也仁政者斐然之文也兼是二

者而後稱有斐君子然則名宦豈易稱哉大理舊有
祠位置隘陋遺文亦淹高公鑄以課於太守周公魯
改祠宮墻之側與鄉賢並建環橋門而來觀者有指
某公之主有望其王而加額焉然主皆近代守今而
前史所載有功茲土者尙爾闕如二公乃建郡之緒
紳考論沿革而披其勲伐在漢為益州得三人在蜀
漢為建寧郡為雲南郡得三人在晉隋為寧州得三
人在唐為南寧州得七人在元為大理路得六人
本朝使臣有功德在人而可繹思者不可無書又得
十人與宗令師儒並為主以祀逸史李元陽曰寓
物於令曠有已有遺忘至誠惻怛之為抑一入民心

歷千禩而如在震雷激電怵心駭目曾亦一瞬影響
消沉至誠惻怛之為物莊乎其官官徂去而此物不
與之俱去然則祠宮場誰曰不宜在昔石皮張翕
孚繼父官忠定重剗蜀即遂為光邁先猷緝熙舊業
信史以為美談初侍郎三峯高翁公韶守吾郡未期
月百姓感其德而作生祠今靈湫公來光其緒桂麓
公始以郎署謫屬州政化垂洽而遽去今來守即豈
天使之足成其美乎語曰天聰視自我民愚何敢誣
大理府儒學田訖

李元陽

南中名山水而郡者以大理為最而太和為邑實附
之郡邑之為弟子員者五百許人是故分庠而教之

庠各祀孔子與配饗之賢曰文廟又於常廩之外別置都養曰學田學則開于漢衍于蜀漢開于宋復于元盛于

國朝廟則元世祖入大理始有興建而田則

國朝正德以來守長相繼乃漸有置焉然廟久則地田久則湮近代期會簿書徵訟將迎之事日繁以寧庠序謀讀之法雖良有司有不暇顧者其地其湮匪置不顧甚或未嘗知焉按部御史督學使至則登之丹之飾其外而已而地自若也籍之記之有其名而已而湮自若也隆慶壬申分巡長樂陳公應春太守未新史公弼惠加百姓志在作人二公臨學稽閱則

見棟未頽而腐柱未摧而蛀堂則寢且為墟廟則搖而不泮愕然相顧曰天下之事固有可暫而不必久者苟塞目前可也若夫孔子六經之道與山川同為峙流

國家庠序之典與山河同為蒂藕豈可以苟塞目前為哉况蒼山巖巖海水洋洋必有冠奇磊砢之士生于其間吾司造士之責而不之理咎將誰歸於是相與咨諏籌度得當而行權其費於可原之罪而不月其錢取其工於傭賃之人而不傷其力深山出牛輓之木貧者售鼠穴之居於是隘者以關酒者以源標棟雲興瓠甕山積居無何廟貌戔戔堂寢秩秩泮

源流混振樸蕤蕤昔所未有者乃今具備而昔所具
者無復蔽矣乃建諸生稽田藉贖其徙者若干畝其
使者若干文於歸田之外捐俸而置者又若干命縣
官主其租入以贍貧士之婚葬俾得肆其力於學而
無四顧之憂於是師生胥慶退而詞記於陽縣勒之
貞珉以無忘二公之德固不可忘二公為己之學其
二三子之所當勉乎夫廟學舊矣修葺之者相繼也
然而隨葺隨廢隨成隨壞者何也為人故也因御史
督學而後修之葺之故御史督學去而隨亦隳廢無
怪也今三公為之於間暇之日求其心安之而已豈
顧二三子之勤哉取與其勤哉不若勉而學之之為

然而廣也。今人務詞章以媒應舉科第者，為人而學也。苟無應舉科第之望，雖詞章且將棄之，又何有於道德性命之懿乎？二三子苟有志於道德性命，必自二公之為己始。既知為己，則二公之惠與蒼山同久，涓水同廣矣。此亦二公期待二三子之微意，謹書之以族。

重修雲南縣儒學記

童軒

為藝者有常所學，無常所則。人心曰易，以肆而業曰易。必龍肆則教無所施，荒則學無所就。蓋自昔王者建國居民而必以是為慮，故家有塾，党有庠，術有序，國有學，而士之藏修遊息於是而始有常所矣。其為

天下後世慮不亦深且遠哉

聖朝法古圖治九有之內庠序星布教化風行至於
遐陬僻壤莫不有學於戲盜矣雲南縣儒學肇置於
洪武乙丑垂百年於茲歲久且弊成化乙丑巡按雲
南鹽察御史文汪郭公瑞雲南按察司僉事華陽曹
公景樓行至縣顧瞻之頃相與謀而新之肆令兵民
中有誤入於辟者聽以金贖雲南故與洱海壤地相
接兵民叢處而雀南鼠牙者頗衆贖金日多於是鳩
工市材命指揮吳鑑專董其役衛邑各以久役相之
經始於是年之秋逾年落成學之教諭吉郡王建以
記父來請乃告之曰古教學之方有二曰體曰用而

己德不明則無以成己民不新則無以成物是以大
學必格至誠正修以立其體齊治平以行其用務使
不務乎功名舍約務博以期成物如致非大學之所
謂體吾儒之所謂用如明德新民何哉總自今凡斯
舉之為師為弟子者要必講去其非而一切以迨於
是其不為彼也如駢虞之不殺竊脂之不殺其務為
此也如水之必寒火之必熱施之國家天下有體有
用於建學圖治之意不負而郭曾二公興學之舉為
有光矣悞諸勉諸

臨安府鄉賢祠記

楊慎

嘉靖甲午詔天下正祀典鄉賢之祠者增之嚴不在
祀法者汰之永祿者於是乎始乃雲南臨安府知府
事姜君恩建水州知州事沈憲學教授趙紳賢詢與
議藉即衆師言會同芟言收恤乃上于政司右使表
公愔而學副使陳公煥聞於監察御史董公珊卒如
君請臨安鄉賢之祠自今日始也祠成

皇明四公曰杭州府知府張公陸南陽知府邢公幹
兩淮運司經歷封南溪知縣張公文宗文昌縣知縣
田公容其鮮也蓋嚴也曰居喪哀毀踰禮廬墓官處
脂膏不自肥潤西湖廣其利鄒水安其鍾考蹟三載
最於全浙是杭州公之行也曰瞻族而族待以舉火

起家而窮世其清德宗濂而濫人尸而祝之守南陽
而南陽人祀而援之是南陽公之行也由困獨提身
孝友睦親屢薦不爵歸養棄官數行化俗善終老壽
是南溪公之行也曰不工於媚貴人而有餘裕孱民
易於退田畝而結於人公甫是文昌公之行也臨安
在唐宋為剝分元世無聞自

本朝有科目以還金閨之籍相屬而梅鄉賢者僅此
嚴哉法語有之世之仍心強有力者可以百從其祿
智而不一獲於公議幾于度靈於聖陽鱗於邦尊公
財無弱產豐居薪衣先佩市壘謂里婦矜朝露
水期厭厭如泉下人矣况能作九原縻生氣享社獻

補錄宗平君子謂是舉也昭則戒違彰往勗來是之
謂名教名教之謂改首改首之謂人綱人綱人絕人
絕弗紀昌昭昌或昌彰昌勗也

重修龍泉書院記

金時相

右屏州治之北立郭郊行可二里許乾陽山麓有宅
一區背倚崇岡巔開古洞來密峴巨居樓玉枕然旁
湧芳泉濯金沉碧且西南星峯羅列東下湖水汪洋
其間鍾秀筆架諸山誠如衆星拱極鍾靈發祥信屏
中一天奇觀也先是嘉靖甲午蜀七峯唐公以知署
出守吾屏推意右文作新士類爰行相度卜地於斯
首建講堂三楹於上次列號舍大門共四楹於前左

右齋室各三楹爲兩翼題額以龍泉取易山下出泉
果行育德意也三十餘載桂林雲川王公領州事重
修講堂新門屏齋舍聞于督學魏村楊公暨師儒以
文會中遭時禁幾致寢微前禁漸開州守太和蕭侯
觀我復建專經閣以遷秩行番錢五百緡寄成竟之
意至是郡勾拱所徐侯來自富民下車旬日以重修
爲已往不踰月集材鳩工毅然經始當廡而下隨在
昂新工始于辛丑冬十月落成于壬寅之秋計工費
可六千金皆捐俸物工自爲經理余惟一方風氣其
鍾毓在造化而開闢培植斯存乎人亦載於文其作
興在良有司而勉強學問爲時聞人則在豪傑之士

嘗聞藏麓龍門匡廬白鹿海內所稱四大書院然其所以享大名于常時垂芳聲於後世則以在在聚有名賢珠明正學惇爲彝倫淑人心而維世教也石屏僻在遐陬諸士之經遊樂育其中者誠能始終典學日就月將達則持庶廣愛澤加於民窮則事親從兄言行交修不苟即時有頸梅而相成友誼久敦不衰斯地以人重高山泉水增益崇深而作興雅意庶幾藉以永隆而不替乎

永昌名宦鄉賢祠記

林 俊

弘治初

上用言者崇重聖學撤文昌祠而正之移撤遺庠咸

意意指今年春監察御史侯官林君塘來按滇更令
正之及慮久而後復謀所以處之者雖鄉賢天下學
教皆有祠而滇學獨缺遂即其祠為之及名宦以義
起也永昌既異祠師生以考証請乃偕叅將定遠沐
君詳叅政予同邑方君守同官叅和蕭君蒼來朋志
洵所聞諸士夫者於鄉得一人焉漢署太守呂凱有
執忠功名宦得八人焉漢太守鄭純有服夷功
明靖遠伯東麓王驥有平蠻功刑部侍郎錢塘楊寧
有興學功指揮僉事壽州李觀有歸義功都指揮使
定遠胡淵有開屯功浦之孫胡誌有靖邊功監察御
史高郵朱禮有漳海功教授臨川余穀有師範功其

化勤已惠人咸可表著於學校與有力焉故取而祠
祀之其位首甄次純次驥次寧次觀次淵次誌次禮
次穀餘容以俟知者嗚呼褒異前哲為世道關係不
細是所增入宜加意審亦益敬慎之卦

重修永平縣儒學記

劉廷憲

永平故溥博南縣歷晉易今名為永平溥即邑上下
千百年間仍漢代名不變如永平固不一二云諸士
舊隸金蓮郡庠而人文日益霞蒸鵲起嘉靖間邑人
張祐第者特疏請建學待御彭公乃就古寺改建規
制弗宏歲久傾圮永平戶蔡昌俊更募土盡收多所
修繕遂錫

先師碩壻湫隘不任教興自張公帑無可佐庀材需者乃嘆曰此前人所因循譙諫未遑也而已之當無後舉時矣遂毅然捐俸易新力請兩臺監司悉如議首易已亥為今壬丙向繇堂殿兩廡以及列戟櫺星門衡廣若干丈縱袤若干尋徹舊維新歸盡以堅泮池棹楔卞及庖湍靡不具極且祠名宦鄉賢以風來茲啓聖祠增齋舍俾諸生肄業有所屬不佞一言夫時有古今地有遐邇材有偏全缺必不能強而齊者學則化偏全一邈迹齊古今類能匹休古先聖賢樹駿沅鴻彪炳清時以不負生平臯稽古舜文起自東西夷後先千餘歲而道若符契天之降才固人人而

具有奔走文者多士膠庠聲自

肅皇帝朝其勅諭云崇聖學育真才此古今升降之機學術醇疵之辨維持世道人心功匪淺歟藉令浸淫邪說曲學阿世以貽訛士林令人耳而目之曰夫大賈儒也父師之教子弟之學一切為梯榮名博進取之資詎惟失余記學之意亦必非蔡戶待士與士自待之初心者敬授簡記之以勗多士

真志卷之二十終